



ԳԵՐԱՇՆՈՐԸ Տ. ՍԱՀԱԿ ԱՐՔԵՊԻՍԿՈՊՈՍ ՏԵՐ-ՀՈՎՀԱՆՆԻՍՅԱՆ

(ՄՆԵԴՅԱՆ ՈՒԹՍՈՒՆԱՄՅԱԿԻ ԱՌԹԻՎ)



Օգոստոսի 24-ին լրացավ Մայր Աթոռի երիցագույն միաբան, Գերագույն Հոգևոր Խորհրդի ատենապետ և Մայր Տաճարի լուսարարապետ գերաշնորհ Տ. Սահակ արքեպիսկոպոսի ծննդյան 80 և քահանայության 56-ամյակը:

Այս ուրախ առիթով, սեպտեմբերի 6-ին, կիրակի, Վեհարանում տրվեց ճաշկերույթ, որտեղ ժերոմաղարդ բայց միշտ կայտառ հոբելյարին ջերմ ու սրտագին խոսքերով շնորհավորեցին Վեհափառ Հայրապետը,

Գերագույն Հոգևոր Խորհրդի և միաբանության անդամները:

Գերաշնորհ Տ. Սահակ արքեպիսկոպոսը մեր եկեղեցականության երիցագույն և սիրված դեմքերից մեկն է: Նա իր հոգևորականի լայն պատրաստվածությամբ, իր հավատարիմ ծառայությամբ և մանավանդ իր անաչառ ու զվարթ բնավորությամբ իր համեստ անձի շուրջը ստեղծել է համակրանք և սեր՝ իր ուսուցչական և քահանայական գործունեության ժամանակ և միաբանական կյանքի տարիներին Մայր Աթոռում:

Սահակ սրբազանը ծնվել է Թբիլիսիում 1879 թվականի օգոստոսի 11-ին (24-ին), Մկրտության անունը եղել է Լևոն: Նախնական կրթությունը ստացել է Թբիլիսիի Ս. Աստվածածին եկեղեցու ծխական դպրոցում, այնուհետև մտնելով Ներսիսյան հոգևոր դպրոցը, ավարտել է այն 1899 թվականին:

Դպրոցն ավարտելուց հետո վարել է ուսուցչության և վերակացության պաշտոն: Մառաշի է Արմավիրի և Աստրախանի հայոց եկեղեցիներում:

Ստավրոպոլ քաղաքի ծխականների կողմից ընտրվելով քահանայության թեկնածու, 1903 թվականի փետրվարի 9-ին Արիստակես արքեպիսկոպոսի կողմից ձեռնադրվում է քահանա և նշանակվում կրոնի ուսուցիչ Ստավրոպոլի գիմնազիաներում և հայկական դպրոցներում:

Այնուհետև երիտասարդ Տ. Սահակ քահանայի առաջ բացվում է եկեղեցական-հասարակական գործունեության լայն ասպարեզ:

Տ. Սահակ քահանա Տեր-Հովհաննիսյանը ունեցել է նաև գրական-եկեղեցական գործունեություն: 1909—1919 թվականներին նա հրատարակել է ուսերեն ընդարձակ օրացույց՝ ուսախոս հայերի համար: Նա առանձին հատորներով հրատարակել է նաև կրոնի դասագրքի Ա մասը հայ-ուսերեն

բառարանով, Կարապետ Կախկոպոս Տեր-Մկրտչյանի կենսագրականը, Գևորգ Ե Կաթողիկոսի կենսագրականը, 1912 թվականին, հայկական տառերի գլուտի 1500-ամյակի և հայ տպագրության 400-ամյակի կապակցությամբ՝ «Հայ ժողովրդի մեծ տունը», Հայ Եկեղեցու Պատարագամատույցի ռուսերեն թարգմանությամբ մանրամասն բացատրությամբ: Թղթակցել է նաև հայ և ռուս պարբերական մամուլին: Իր գործունեության և աշխատանքների համար Տ. Սահակը արժանացել է խորմյան Հայրիկի, Գևորգ Ե և Խորեն Կաթողիկոսների գնահատության և եկեղեցական պարգևատրումներին:

Իր երիցուհու կորստից հետո, 1945 թվականին, Ս. Էջմիածնի միաբանության անդամ է հանդիսանում: 1947 թվականին արժամանում է ծայրագույն վարդապետության աստիճանին և նշանակվում է Մայր Տաճարի ավագ լուսարար:

Սկսած 1946 թվականից նա է կազմում Ս. Էջմիածնի օրացույցը:

Երջանակահիշատակ Տ. Գևորգ Զ Կաթողիկոսը 1951 թվականի հուլիսի 8-ին արժանացնում է նրան Կախկոպոսական բարձր աստիճանի:

Նորին Ս. Օծուխուն Վեհափառ Հայրապետը, գնահատելով Մայր Աթոռի միաբան, լուսարար Կապետ և Գերագույն Հոգևոր Խորհրդի անդամ գերաշնորհ Տ. Սահակ Կախկոպոս Տեր-Հովհաննիսյանի երկարամյա և օգտաշատ ծառայությունները եկեղեցական-վանական և ուսուցչական հասարակական ասպարեզներում, իր գահակալության առաջին տարեդարձի երջանիկ առիթով, 1956 թվականի հոկտեմբերի 7-ին սրբազանին շնորհեց արքության պատիվ:

Գերաշնորհ Տ. Սահակ արքեպիսկոպոսը, չնայած իր առաջացյալ տարիքին, հոգով արի է և աշխատանքում ժիր:

Սիրելի հոբելյարին սրտագին մաղթում ենք խաղաղ ծերություն՝ նույն նվիրվածությամբ ծառայելու Մայր Աթոռին և Հայաստանյայց Առաքելական Ս. Եկեղեցուն:

